


漢方簡義

王 魏 达 著



上海科  
学技术  
出版社

R2f2d  
163

1102

土邈达 著

汉方简义

上海科学技术出版社

## 內 容 提 要

本書內容，以簡單扼要之辭，釋明張仲景一百一十三方之精意；分析其藥物之作用及方劑之配合與應用，並且對用藥之加減與份量之輕重，具有一定之規範；同時闡明一方可治數病，數病同用一方之理。書末又根據白雲閣本增入補遺三方，尤為他書所罕見。讀者見病即可處方，見方即知應用。

本書可供研究祖國醫學及臨床醫療工作者參考。

## 漢 方 簡 義

王 遵 達 著

\*

上海科學技術出版社出版

(上海南京路2004號)

漢書出版業營業許可證出093號

上海新華印刷廠印刷 上海新華書局發行所總經售

開本 787×1092 1/27 印張 4 2/3 字數 70,000

【原書係上海版共印16,500冊】

1959年4月新1版 1959年4月第1次印刷

印數 1—3,000

統一書號：14119·48

定價：(十) 0.46元

# 漢方簡義序

予讀素問。謂古之治病者。唯移精變氣。可祝由而已。此猶佛氏之觀想持咒。無假於藥石。今所謂精神治療者也。又覽異法方宜論。謂東方之民治宜砭石。西方之民治宜毒藥。北方之民治宜灸熇。南方之民治宜九鍼。中央之民治宜導引按蹻。是五方之民俗異。其受病亦異。治之亦各有宜。乃近於今之所謂地方病者。大抵陵澤水土風氣既殊。人之居處飲食嗜欲亦別。故疾疾所生。既有方域時代之不同。而湯液醪醴之法。古今之變。亦多而難究。以時人之言概之。則祝由。專爲精神作用。導引按蹻。屬於生理作用。鍼砭灸熇。屬於物理作用。而湯液醪醴。則爲化學作用。凡其術足以愈病者。皆可任之。不必獨重經方也。漢志。經方十一家。書皆亡佚。隋志。始錄張仲景方十五卷。張仲景療婦人方二卷。初無傷寒金匱之目。世傳王叔和孫思邈王燾林億之所校錄。慮皆後人綴輯而成。然中土良工。必以仲景爲不祧之祖。則以古法存焉耳。自千金外臺出。病益繁。方益雜。爾後南宋局方及金元四家以降。人自爲說。其流益紛。學者莫知所擇。故醫家之好古者。必原素問。宗仲景。以其精約。爲不可勝用也。吾友王君邈。達精於醫。標仲景爲漢學。退孫思邈爲唐學。六十以後。本其治病經驗之所得。取仲景方。各爲疏釋。命曰漢方簡義。以示予。予其爲我序之。予雖好方伎。而實未暇博涉。平日於桐韻伯。尤在涇。鄒濶安之書。皆未能究心。老而忘事。所收醫書。亦經亂亡失。王君書。留置几案間。經月而未能畢讀。然信王君之篤嗜仲景。其言必不苟且。不爲枝蔓之辭。題曰簡義。其不違精約之旨。可知也。王君更能揭藥漢方。發揮古義。此其志尤足多者。予謂世

漢方簡義 馬序

間病苦之本不在形體。乃在五志六情。是非湯液醪醴之所能療。非返之恬淡。不能禦賊邪。方且競王君進而求之。無方之書。然應病與藥。十全爲上。不可失一。微王君固不足以與此。醫本仁術。非仁人不能任。王君拯人疾苦。夙具深心。其爲術將有大於此者。然則此書特其嚆矢焉耳。丙戌十一月馬湛翁

# 漢方簡義自序

漢方者。漢醫聖張仲景先師所立之方也。方以漢稱。所以別中外分時代也。簡義者。以簡單之辭。簡要之旨。釋明醫聖立方之精意。故名漢方簡義。嗟乎。儒家僅知孔聖。而不識孔子之修己教人。醫家僅知醫聖。而不明仲景之立方活人。良可慨矣。去夏。善仰觀俯察。與地理辨正揭隱。成得仲弟曉籟。自海上來書。以余研究醫方。已五十餘年。不可無著述。以啟後學。此所以有漢方簡義之作也。書成。卽以釋此書之命名。與著此書之起意。以爲序。

公元一千九百四十二年壬午春王逸遠序於時中精舍

# 漢方簡義凡例

一、是書既名漢方簡義。故先列方。而後序病。至說義理處。則先釋病。而後釋方者。本仲聖因病立方之旨。以杜後世議方不議病之流弊。

一、是書之釋病。本高漢峙先生所著之傷寒尙論辨似。以爲言。故立方之先後。亦依尙論篇爲次序。聞有先後未妥者。僅於該條下辨明之。

一、是書之釋方。本鄒潤菴先生所著之本經疏證。以立說。故於一百十三方。所用藥品之性味。及主治大略。先立一表。以便與本經相印證。

一、是書耑取高鄒二先賢之言。以釋病釋方者。因自來註解傷寒論。與本草經者。不下數百家。惟二先賢之言。最爲詳晰純正。非有所阿好也。幸勿以鮮見寡聞。與剽竊陳言。見哂。

一、是書更附各方症治於後者。以明一方。可治數病。與數病。同用一方。均有不易之理在。以便後學。見方。即可識病。見病。即可處方之微意。勿以繁複視之。

傷寒論一百十三方所用藥品性味及主治大略表

以各方先後爲次序

下列藥物。共八十有八品。爲傷寒論一百十三方中。所應用者也。因醫者欲明處方之理法。須先明藥

物之性味及主治。然後對於各藥之所以配合成方。與處方之所以能治各病者。始得一一相脗合。而無錯誤。故先立此表。冠於一百十三方之首。以便閱者之稽核云。

著者識

桂枝 性溫。味辛。無毒。主通陽。而疏衛。

芍藥 性平。微寒。味苦酸。有小毒。主破陰。而和營。

甘草 性平。味甘。無毒。主寒熱邪氣。解百藥毒。

生薑 性微溫。味辛。無毒。主頭痛鼻塞。效逆上氣。止嘔吐。能解表。

大棗 性平。味甘。無毒。主安中養脾。補中益氣。和百藥。

豬苓 性平。味甘苦。無毒。主解毒。利水。卻濕。化濕氣。為生氣。

澤瀉 性寒。味甘。鹹。無毒。主風寒濕痺。消水。養五臟。益氣力。

茯苓 性平。味甘。無毒。主胸腹逆氣。利小便。止消渴。

桂 性溫。味辛。無毒。主養精神。和顏色。為諸藥先驅。通使。今稱肉桂。

白朮 性溫。味苦。甘。無毒。主風寒濕痺。除熱。消食。化痰。

附子 性溫。大熱。味辛。甘。有大毒。主治風寒。效逆。破癥。堅積。聚。溫中。

人參 性微寒。微溫。味甘。無毒。主補五臟。安精神。定魂魄。除邪氣。

乾薑 性溫。大熱。味辛。無毒。主效逆上氣。溫中。止血。腸澀。下痢。能守中。



漢方簡義

- 葛根 性平。味甘。無毒。主消渴大熱。開腠理。生根汁。大寒。療壯熱。
- 黃芩 性平。味苦。無毒。主諸熱。黃疸。腸澼。療皮熱。小腹絞痛。
- 黃連 性寒。味苦。無毒。主熱氣目痛。腸澼。調胃。厚腸。婦人陰腫痛。
- 厚朴 性溫。味苦。大溫。無毒。主風寒。頭痛。寒熱。消痰。下氣。止嘔。止痢。
- 杏仁 性溫。味苦。甘。有毒。主欬逆上氣。喉痺。頭痛。解肌。
- 桃仁 性平。味苦。甘。無毒。主瘀血。欬逆上氣。消癥瘕。通月水。止痛。
- 大黃 性寒。味苦。大寒。無毒。主下瘀血。破癥瘕。積聚。調中。化食。
- 芒硝 性大寒。味辛。苦。無毒。主五藏積聚。破留血。通經脈。利二便。
- 水蛭 性平。微寒。味苦。鹹。有毒。主逐瘀血。破血癥積聚。利水道。
- 蠱蟲 性微寒。味苦。有毒。主逐瘀。破積聚。堅痞。利血脈。九竅。
- 芫花 性溫。味辛。苦。有小毒。主欬逆上氣。咽腫。消胸中痰水。
- 甘遂 性寒。味苦。甘。大寒。有毒。主大腹癥瘕。留飲宿食。利水道。
- 大戟 性寒。味苦。甘。大寒。有小毒。主十二水。腹滿。急痛。皮膚腫痛。
- 葶藶 性寒。味辛。苦。大寒。無毒。主癥瘕。積聚。結氣。通水道。
- 麻黃 性溫。味苦。無毒。主中風傷寒。發表去熱。出汗。止欬逆上氣。

膠 飴 性微溫。味甘。無毒。主補虛乏、止血、去血、如蜜而稀者名飴。乾者、名餠。抽白而堅、名糖。

禹餘糧 性寒。味甘。無毒。主效逆、寒熱煩滿、血閉、癥瘕、小腹痛。

五味子 性溫。味酸。無毒。主養氣、效逆上氣、強陰、益男子精。

石膏 性微寒。味辛。甘。大寒。無毒。主中風寒熱、口乾舌焦、腹痛。

半夏 性平。味辛。有毒。主寒熱下氣、咽喉痛、效逆消痰。生、微寒、熟、微熱。

赤石脂 性大溫。味甘。酸。無毒。主養心氣、療腹痛、洩瀉、下痢赤白、小便利。

柴胡 性平。微寒。味苦。無毒。主心腹去腸胃結氣、飲食積聚、寒熱邪氣。

枳實 性寒。味苦。酸。無毒。主大風在皮膚、苦痒、除寒熱、結止痢。

旋覆花 性溫。味鹹。甘。有小毒。主結氣、脅下滿、驚悸、除水、去五臟間寒熱。

代赭石 性寒。味苦。甘。無毒。主賊風、腹痛、邪氣、除五臟血脈中熱、止赤沃。

括蕒實 性寒。味苦。無毒。主胸痺、悅澤人面、除結痛、痺阻、逆搶。

龍骨 性平。微寒。味甘。無毒。主效逆、泄利膿血、養精神、定魂魄、安五臟。

牡蠣 性平。微寒。味鹹。無毒。主傷寒寒熱、營衛虛熱、止汗、止渴、固帶。

鉛丹 性微寒。味辛。有毒。主吐逆反胃、驚癇癩疾、除熱、下氣、止小便利。

生地 性寒。味甘。苦。無毒。主傷中、逐血痺、除寒熱積聚、補內傷不足。

漢方簡義

阿膠 性平。微溫。味甘。無毒。主心腹內崩、腰腹痛、女子下血、安胎。

麥冬 性平。微寒。味甘。無毒。主心腹結氣、傷中傷飽、胃絡血絕、定肺氣。

麻子仁 性平。味甘。無毒。主補中益氣、中風汗出、利小便、復血脈。

酒 性大熱。味苦、甘、辛。有毒。主行藥勢、殺百邪惡毒氣。

梔子 性寒。味苦。大寒。無毒。主五內邪氣、胃中熱氣、心胸大小腸大熱。

香豉 性寒。味苦。無毒。主傷寒頭痛寒熱、煩躁滿悶、喘吸。

赤小豆 性平。味甘、酸。無毒。主下水腫、止洩痢、利小便、下腹脹滿。

連翹 性平。味苦。無毒。主寒熱、鼠瘻、癰癤、癰腫、惡瘡、結毒。即連翹根。

梓白皮 性寒。味苦。無毒。主熱去三蟲。

茵陳蒿 性平。微寒。味苦。無毒。主風濕寒熱邪氣、熱結黃疸。

柏皮 性燥。氣寒。味苦。無毒。主五臟腸胃中結熱、黃疸、腸痔、止瀉。

蜀漆 性平。微溫。味苦。無毒。主瘧、及欬逆、寒熱、腹中癥瘕、痞結。

細辛 性溫。味辛。無毒。主欬逆、頭痛、風濕痺痛。能提出依附津液之風寒。

萹花 性寒。味苦。有毒。主傷寒溫瘧。去十二水。療痰欬、效嗽。

知母 性寒。味苦。無毒。主消渴熱中、除邪氣、肢體浮腫、下水。

粳米 性平。味甘。苦。無毒。主益氣。止煩。止洩。

吳茱萸 性溫。味辛。大熱。有小毒。主溫中下氣。止痛。去痰冷逆氣。

礬石 性寒。味甘。大寒。無毒。主身熱洩瀉。利小便。蕩腸胃中積聚。乳難。

蜜 性平。味甘。無毒。主心腹邪氣。止痛。解毒。養脾。除煩。和百藥。

豬胆汁 性寒。味苦。無毒。主傷寒熱渴。解斑貓。芫青毒。滑潤大腸。

括蕪根 性寒。味苦。無毒。主消渴。身熱。補中安虛。絕續傷。

瓜蒂 性寒。味苦。有毒。主大水。欬逆上氣。及食諸果。皆吐下之。

葱白 性平。味辛。無毒。主傷寒寒熱。能出汗。

人尿 性寒。味鹹。療寒熱頭痛。溫氣。童男者尤良。能通水道。止吐血。

桔梗 性微溫。味辛。苦。有小毒。主胸脅痛如刀刺。腹滿腸鳴。療咽喉痛。

鷄子黃 性微溫。氣厚。味鹹。有涵淹孕育。及安定神魂之功。

豬膚 性寒。滋潤。能治上焦虛浮之火。且有滋腎清胃之功。即猪肉之皮。去外垢及肉脂。

白粉 性微寒。味甘。微苦。無毒。主益津。除腸胃中瘡熱。即括蕪根。磨粉。一名瑞雪。

苦酒 性溫。味酸。無毒。主癰腫。散水氣。殺邪毒。能軟堅。即米醋。

鷄子白 性微寒。有解散浮陽之效。

漢方簡義

薤白 性溫而滑。味辛。苦。無毒。主開胸痞。洩痢下重。

烏梅 性平。味酸。無毒。主下氣。除欬滿。安心。止肢體痛。偏枯不仁。死肌。

蜀椒 性溫。味辛。大熱。有毒。主邪氣。欬逆。溫中。能降胃。升脾。

當歸 性溫。味甘。辛。大溫。無毒。主欬逆。上氣。溫中止痛。止客血。肉寒。

黃蘗 性寒。味苦。無毒。主五臟。腸胃中結熱。黃疸。腸痔。止洩利。

通草 性平。味辛。甘。無毒。主去惡蟲。除脾胃寒熱。通利九竅。

升麻 性平。味甘。苦。微寒。無毒。主解百毒。中惡。腹痛。頭痛。寒熱。風腫。

葳蕤 性平。味甘。無毒。主中風。暴熱。跌筋。結肉。諸不足。即女萎。

天冬 性平。味苦。甘。大寒。無毒。主諸暴風痺。強骨髓。

白頭翁 性溫。味苦。無毒。主溫瘧。狂易。寒熱。癥瘕。積聚。逐血。止痛。

秦皮 性微寒。味苦。無毒。主風寒濕痺。除熱。男子少精。婦人帶下。

商陸 性平。味辛。酸。有毒。主水腫。疝瘕。痺。療腸中邪氣。

海藻 性寒。味苦。鹹。無毒。主癭瘰。瘕氣。破散結氣。下十二水。腫。

竹葉 性平。味苦。大寒。無毒。主欬逆。上氣。除煩熱。風痺。喉痺。嘔吐。

燒裨 主陽陰易病。女病易男。用女子裨。男病易女。即須男子裨也。

漢方簡義目錄

馬序 自序 凡例

藥品性味及主治大略表

太陽上篇共十六方 桂枝湯 五苓散 真武湯 桂枝加附子湯 桂枝加桂湯 吳加桂方 桂枝人參湯

葛根黃芩芍藥湯 桂枝去芍藥湯 桂枝去芍藥加附子湯 桂枝加厚朴杏仁湯 桃仁承氣湯

抵當湯 調胃承氣湯 十棗湯 大陷胸湯 大陷胸丸 一——一七

太陽中篇共三十七方 麻黃湯 小建中湯 茯苓甘草湯 禹餘糧丸 芍藥甘草附子湯 新加湯 麻黃

杏仁甘草石膏湯 桂枝甘草湯 茯苓桂枝甘草大棗湯 厚朴生薑甘草半夏人參湯 生薑瀉心湯

甘草瀉心湯 大黃黃連瀉心湯 附子瀉心湯 半夏瀉心湯 赤石脂禹餘糧湯 大柴胡湯 旋覆

代赭湯 小陷胸湯 柴胡桂枝湯 柴胡加龍骨牡蠣湯 炙甘草湯 四逆湯 梔子厚朴湯 梔子

乾薑湯 梔子豉湯 梔子甘草豉湯 梔子生薑豉湯 乾薑附子湯 茯苓桂枝白朮甘草湯 抵當

丸 桂枝附子湯 桂枝附子湯去桂枝加白朮湯 甘草附子湯 麻黃湯 赤小豆湯 茵陳蒿湯

梔子柏皮湯 一八一—四九

太陽下篇共十五方 大青龍湯 真武湯 桂麻各半湯 桂枝二越婢一湯 桂枝二麻黃一湯 桂枝湯

去桂加茯苓白朮湯 桂枝去芍藥加蜀漆龍骨牡蠣救逆湯 桂枝甘草龍骨牡蠣湯 甘草乾薑湯

芍藥甘草湯 茯苓四逆湯 黃連湯 小青龍湯 白虎加入參湯 白虎湯 五〇—六三

漢方簡義 目錄

陽明上篇共四方 小承氣湯 調胃承氣湯 吳茱萸湯 猪苓湯 六四—六八

陽明中篇共四方 蜜煎導方 豬胆導方 大承氣湯 麻仁丸 六九—七二

陽明下篇無正方 少陽全篇共八方 小柴胡湯 柴胡桂枝乾薑湯 桂枝加葛根湯 葛根湯 葛根加半夏湯 黃芩湯 七三—七四

黃芩加半夏生薑湯 瓜蒂散 七三—八一

太陰全篇共二方 桂枝加芍藥湯 桂枝加大黃湯 八二—八三

少陰前篇共六方灸穴考三 麻黃附子細辛湯 附子湯 麻黃附子甘草湯 吳茱萸湯 白通湯 白通加

豬胆汁湯 通脈四逆湯 八四—九一

少陰後篇共八方 黃連阿膠湯 桃花湯 豬廬湯 甘草湯 桔梗湯 半夏散及湯 苦酒湯 四逆散 九二—九九

厥陰全篇共六方 烏梅圓 當歸四逆湯 當歸四逆加吳茱萸生薑湯 麻黃升麻湯 乾薑黃連黃芩人

參湯 白頭翁湯 九八—一〇三

傷寒過經不解共四方三方釋已上見 柴胡加芒硝湯 一〇四—一〇五

差後勞復陰陽易病共六方 枳實梔子豉湯 牡蠣澤瀉散 理中圓 竹葉石膏湯 燒棍散 一〇六—一一〇

漢方補遺共三方 一一一—一一三

漢方用藥分量舉例 一一一—一一一

# 漢方簡義

古剡王逸達著

## 傷寒論太陽上篇 共十六方

桂枝湯

桂枝 三兩 芍藥 三兩 甘草 二兩 生薑 三兩切 大棗 十二枚劈

右五味。㕮咀。水七升。微火煮。取三升。去渣。適寒溫。服一升。服已。須臾。歔熱粥。一升餘。以助藥力。溫覆。令一時許。遍身。漉漉。微如有汗者。佳。不可令如水淋漓。病必不除。若一服。汗出病差。停後服。不必盡劑。若不汗。仍服。依前法。又不汗。後服。小促役其間。半日許。令二服盡。若重者。一晝一夜。服。屆時觀之。服一劑盡。病症猶在者。更作服。乃服至二三劑。禁生冷黏滑肉麵五辛酒酪臭惡等物。

此湯爲太陽中風。陽浮陰弱。陽浮者。熱自發。陰弱者。汗自出。奮奮惡寒。淅淅惡風。翕翕發熱。鼻鳴乾嘔者之主方。太陽經名。爲手足六經之一。主人身之營衛。營者。有經營於內。衛者。有護衛於外之義。卽氣血之精粹而爲作用者也。其隧道。從目內眥。精明穴。上頭。歷項後。由夾脊。而行足外臚之後側。故病。則見頭痛。項強。脊緊。腰疼。而脹。其軀。周身之表。故外皮發寒熱。因內連肌肉。且易動陽明之壯熱也。其署。爲胸次。故表邪上入。則



胸煩喘渴而結胸。胸下卽與胃相逼。故邪少少下引。則嘔。大熱逼之。且能移熱於胃。與大小腸也。胸之兩旁。下通於脇。故於陽明之經。府兩壯者。又能跳傳於少陽也。其府爲膀胱。故熱邪下入。則小便赤而不利。膀胱與腎爲表裏。故熱邪又能從府而入腎藏也。太陽病卽本論本篇所云。太陽之爲病。脈浮。頭項強痛。而惡寒。第曰太陽之爲病。尙未分風因與寒因。是太陽病之提綱也。太陽中風。卽本篇所云。太陽病發熱。汗出惡風。脈浮緩者。名爲中風。太陽病。該上文脈浮。頭項強痛。而惡寒言。若前症具。而發熱。汗出。惡風。脈浮。且緩。始得名爲中風。陽浮陰弱。卽浮候與寸部之陽脈浮。沈候與尺部之陰脈弱也。陽浮發熱。陰弱自汗。由診脈以言病也。惡寒。惡風。發熱。鼻鳴。乾嘔。從見症。以言病也。此湯主之者。卽見此病。以此湯爲主治也。方用桂枝之辛溫。疏衛而通陽。芍藥之酸寒。和營而破陰。因桂爲血分陽藥。主走表。芍爲血分陰藥。主走裏。今以二物平配。則桂得芍。而不任性走表。芍得桂。而不任性走裏。適於不表不裏。而行於營衛。然後用生薑之辛溫以散之。甘草之甘平以和之。更用大棗之甘平以滋之。卽頭頭是道矣。服後須與飲熱粥。粥以助甘。熱以助辛。故曰助藥力也。又溫覆。令一時許。遍身藥。微似有汗。不可令如水淋漓。因太陽中風。邪在肌表。而此湯本爲解肌而設。恐過汗虛中。譬如被盜之家。家人躡躡奪門而出。則賊反逗遛於主人出奔之空處矣。故曰病必不除。其下數條云。若其人脈浮緊。發熱。汗不出者。不可與也。嘗須識此。勿令誤也。因脈緊。汗不出。爲傷寒。非中風。故勿令誤。吐家。瀉家。血家。瘡家。俱不可與者。因吐家。瀉家。惡甘辛以動陽。血家。瘡家。本陰虛而血熱。以其甘辛助陽。卽能耗陰故也。一服。病差。停後服。如不汗。後服。小促役其間。又不差。可更服。至二三劑。因服藥以